

ISPRINTAJ

ANALITIČARKA ISTRAŽIVAČKOG CENTRA POPULARI

Malenica: Dayton je trebao biti okvir na kojem će se dalje graditi država

Mirovni sporazum, potpisan u Daytonu, koji je zaustavio rat u BiH, trebao je biti upravo to – mirovni sporazum; dakle, okvir na kojem će se dalje nastaviti graditi država sa svim njenim funkcijama, izjavila je za Fenu, u povodu 18. godišnjice Dejtonskog sporazuma, analitičarka Istraživačkog centra Populari Vesna Malenica.

Međutim, navela je, Sporazum je interpretiran na razne načine te je poslužio svemu, osim izgradnji i razvoju ratom uništene države.

- Osamnaest godina poslije, Mirovni sporazum je još uvijek na snazi, još uvijek nam je Ustav jedan od aneksa tog sporazuma, napisan hiljadama kilometara daleko od ove zemlje i njenih građana, na engleskom jeziku, i još uvijek mi, koji živimo u zemlji, ne donosimo odluke nego ih neko, najčešće OHR, koji je nastao kao rezultat Mirovnog sporazuma, donosi za nas. Tako je već skoro dvije decenije i mi, praktički, nismo napredovali - kazala je Malenica.

Zaključila je da je ovaj sporazum zamišljen kao privremeno rješenje, koje je trebalo biti zamijenjeno novim, boljim, domaćim rješenjem. To se nije desilo i BiH ne demonstrira još uvijek svoj puni suverenitet, jer se odluke važne za ovu zemlju donose van države.